



17297

I

Mag. St. Dr.

P

Wresnani Barthol. Scopcia nuptialis
Nicolai Skradomski Lucentis in uxorem
Catharinam Ponke et

PANEG. DE VITAE

Polon. 4^o

Æ. 955.

ICOPOEIA NVPTIALIS
Nobilis & Generosi Domini,

DOMINI NICOLAI
STRADOMSKI,

ducentis in vxorem

Nobilem & Generosam

CATHARINAM
Virginem Filiam

ILLVSTRIS AC MAGNIFICI D.

DOMINI IACOBI
PSONKA à BABINA,

Viri antiquâ fide, morum suauitate, doctrinæ præ-
stantiâ excellentissimi:

Sponso & Sponsæ tum parentibus vtriusque.
data, dicata, oblata.

VI. CAL. DEC.

A MAGISTRO BARTHOLOMÆO WRESNANO,
In Academiâ Cracouiensi Collega Minore & Professore.



CRACOVIA,

In Officina Basilij Skalski, Anno Domini,

1617.




Biblioteka Jagiellońska



stdr0000277

In Arma Generosi Domini,
DOMINI NICOLAI STRADOMSKI,
Ex Familia Prussorum.



Corpore stat toto Crux, cum mediâq; secundâ
Quam rigido munit desuper ense manus.
Istâc Antiquæ sunt arma STRADOMSCIA gentis:
Immensum Sanctæ Crux pietatis opus:
At manus ense potens rigido, ferroq; , valentis:
Hac regnat pietas, robur et vsq; domo.
An non rite dabis genti gladiumq; , manumq;
Quod bene de Patriâ quisq; meretur, habet.



In Stemma Illustr: Domini,
DOMINI IACOBI PSONKA,
Ex Gente Ianinarum.



IN campo tersus clypeus splendet aperto,
Ardens Vulcani crede laboris opus.
Virtutem notat iste rigor, splendorque metalli,
PSONCIA quâ valde, floruit vlq; domus.
Pro patriâ PSONCAE quid non fecere suâui?
Aut quid pro sacrâ religione Dei?
Testis adest clypeus, qui Patria iura tuetur:
Sub clypeo, Regni pax latet, atque fides.



AD SPONSVM DEDICATORIVM.

QUæ nostris animis ridens Icopœia vultu
 Surrexit, tibi eam Sponse nouelle dico.
 Maiorum tabulas animo percurrere libenti,
 Et proprios vultus inspice, teque vide.
 Parua fero, donoq; tibi Præclare STRADOMSKI,
 Sed tamen est virtus commemorasse bonos.
 Cōmemorasse bonos homines, est maxima virtus;
 Dum memor hæc recolit mens, bona cūcta bibit.
 Ergo manu capias lætā, qui Pallada doctam
 Longo tractasti tempore, mentis opus.
 Hoc Tellus oculis vidit Germana decoris,
 Et mirata tuum sæpius ingenium. (est)
 Spes bona me pascit: nam quid spe certiùs vsquā
 Omnia cum pereunt, spes tamen ipsa manet.

AD PATREM SPONSÆ.

ME procul hinc Musæ Craci sub mænibus altis
 Vsque tenent, verum mens procul ire iubet.
 Mens procul ire iubet, varios & visere mores
 Ignote gentis, Sarmaticæq; domus.
 An mirum dicas? Hoc mens humana requirit:
 Viuit homo, alterius si videt ingenium.
 Inspice PSONCÆ grauis, dat quos Icopœia vultus:
 Namq; tuos videas, lætus & esto videns.
 Hercle voluptatem proprii dat sanguinis ortus,
 Et morum integritas, quam tabulæ ecce ferunt.
 Ergo tibi sit SPONSÆ Icopœia grata Parenti:
 Hanc tibi do, dono, suscipe PSONCÆ libens.

Icopœia

I C O P O E I A.

P O E T A.

SPonsa tibi thalamum castis subitura iugalem,
 En pedibus præsto Sponse nouelle venit.
 Nec fugiet similis Daphne, nec in alitis ora
 Vertetur, vultum vult retinere suum.
 Effundas animos hilares in gaudia læta,
 Atque legas oculis, quæ fero picta tuis.
 Picta fero, paries capit; hac sub imagine cernes,
 Quod decet egregij pectora casta viri.

Imagines Psonciæ stirpis.

I. Proauorum.

Sarmatiæ Tellus claros cognomine PSONCÆ
 Fert gremio, Regni pulchra decora sui.
 His fuerat semper fido Respublica cordi,
 His pax, Religio, candida simplicitas:
 His amor & pietas, odium quoq; criminis atri,
 Aspice nunc proauos, nunc atauosq; domus.
 Ordine virtutem videas, moresq; vetustos,
 Et faciem, & vestes, hæc dat imago prior.
 His Catharina suis Maioribus orta virago,
 Sed reliquis non est gloria crede minor.

II. Parentum.

Splendescit propius clari Genitoris imago,
 Et charæ Matris, qui legis, ora vides.
 Virtus corde latet. Quid dico? Cognita cunctis,
 Sæpius exsiliit; ceu vaga flamma solet.

Hospitibus

Hospitibus notum, qui PSONCIA tecta subintrant,
Virtutem ergo simul, qui legis ora, vides.
Virtus ore nitet fursum, neque claudier intus
Est potis, hanc cernens, optime Lector, ama.

III. Filiae Sponsae.

HIC iuxta Matrem, niueo CATHARINA pudica
Ore rubet, sextis tempora vincta tenens.
Sic pratis, varios splendescere saepe colores
Aspicias, stellas, sicq; micare polo.
Picturata nitet vestis, mens lumine pulcre
Virtutis; vestem desere, corda vide.
Pulcrrior est virtus, residet quæ pectore castæ
Virginis: Inferior num CATHARINA suis?

IIII. Diuorum.

ID facies CHRISTI tabulâ depicta rubenti,
Et MARIAE Matris Virginis ora docent.
Aliger è coelo descendens inde salutat
Virgineum florem, pectore promit, Ave.
Hinc infans gremio genitricis ludit honesto:
Filius est Virgo, Virgo parensq; sua.
Quid memorê tabulas plures? stant ordine longo,
Et mentem recreant ô CATHARINA tuam.
Hæc tu saepe vides, animo suspiria ducens,
Diuos & proavos fingere mente cupis.
Hos mirata Duces, flagras virtutis amore,
Quam versas animo nocte dieq; tuo.

Poeta ad Sponsum.

O felix

O felix coniunx, qui limina tanta subintras
PSONCORVM! gentis lumina quanta vides!
Quod superest, vlnis virtutem amplectere firpis,
Et cole virtutem, dum pia fata monent.
Virtus coelicolis placet, & mortalibus ægris,
Virtus connubij fœdera sancta iuuat.

Idem ad Sponsam.

HEUS CATHARINA videsne tui pulcherrima Sponsi
Maiorum tabulas, claraq; facta simul?
Hoc est NICOLAVS STRADOMSKI sanguine cretus.
Horum imitorem se facit ille bonum.
Ergo legens oculis ea Sponsa nouella tenellis,
Exulta, & Sponsi lumina cerne libens.
Ista frequens animum castum recreabit imago,
Hic frons, hic virtus emicat hercle domus.

ICON I. ATAVI Stradomsciae Domus.

EN antiqua, domus veteris, Stradomscia proles,
Maiorum profert signa stupenda manu.
Crinibus hic Ataus longis, barbaq; decenti,
Luminibus claris, lætior ore rubens.
Quem circum clypei leues, galeæq; comantes
Pendent, splendescens ensis, & hasta ferox.
Hic miles fuerat nitidis metuendus in armis,
Sæpius hunc hostes extimuere feri.

II. Tritaui.

QVID? Tritauum spectas oculis castissima Virgo?
Ille vir eximius, gentibus ille bonus.

Prisca Fides in eo viguit, candorq; Polonis
Proprius, hoc facies indicat, ora, genę.
Canicies veneranda seni, qui robore quondam
Claruit, obseruans iustitięq; fuit.
Ovtinam tales Patriã generentur in almã
Vsque viri. Virgo, dixit ab ore suo.

III. Proauis.

Post sequitur proauus cuncto memorabilis æuo
Quem paut virtus florida lacte suo.
Palladis ille fuit comes, ille ferocis in armis
Bellonę, celeri mitior ingenio.
Profuit is Patrięque, suis & semper amicis,
Haud sibi se solitus dicere progenitum.

IV. Aui & Patris.

Stant prope Magnus auus Sponsi, genitorq; bea-
Moribus, his Maior laude quis oro fuit? (tis,
Ambo Sarmatici florebant lumina Regni,
Hercle viri nitidi munere Palladio.
Iustitię cupidi, robusti pectoris ambo,
Sedem in eis virtus fixerat alma suam.

V. AVIAE, NVRVS, NEPTIS.

POnę nurus, auię, neptes, sunt mente virili,
Moribus antiquis, multicolore sinu.
Vestibus en pictis, misso per corpora peplo:
Apparent telę, quas bene pinxit acus.
Apparent crebrę gemmę, lapidesq; rubentes
In digitis. Virtus sed mage fronte micat.
Fronte micat niueo velamine candida virtus,
Virtus non aurum laudis honore nitet.

VI.

VI. MATRIS.

MATER ab OZAROW claris dignissima factis,
Cui virtus SOPHIAE nomen habere dedit.
Quid melius Sophiã, cui virtus iungitur acris?
Hęc Magno certę nata parente fuit.
Radomię CASTELLANI Soror inclyta clari
Te dedit, ast reliquis nobilitate parem.
Quin etiam in ZWOLEN ingens Capitaneus idem
Sub STEPHANO BATORI Rege potente fuit.
Ille audax Moschos contra cum Rege profectus
Ornauit Patriam corde, manu, ense, suam.
Tantis STRADOMSKI genitrix Maioribus orta,
Tantis, tam claris semper in orbe viris.
Sed propriã potiùs (credas) virtute refulget,
Quę toto radijs corpore sola micat.

VII. FILII.

NICOLAVS natus post cunctos fronte virenti,
Et Frater, quem Mars horridus ipse tenet.
Ex his NICOLAVS Sponsus rubicundus in ore,
Cui labias blandas pinxit amęna Venus.
Sed mentem Pallas studijs decorauit honestis,
Virtutem labor, & contulit ipse DEVS.
Hic tuus est Sponsus CATHARINA pudica Virago;
Hunc oculis spectata, mente magisq; bonã.

VIII. DIVARVM.

HASCE penes tabulas sunt Divę in fronte locatę:
Hic pudor ore rubet Virginitatis honor.
Inde Fides, dextram tendens, quam purpura vestit,
Hinc albet casto corpore nudus AMOR.

Insūper hinc nitidō fulget Reuerētia vultu;
Inde grauis, falsi nescia vera Soror.
Quid? prior ex læto paradyso hinc pulsa virago,
Ob scelus infandum: Vir miser inde suus.
Hæc animo CATHARINA suo versare sagaci
Haud cessat, mores haurit & inde bonos.

Pœta ad lætitiā inuitat.

Iam satis egregijs tabulis pauistis ocellos,
Ludere iam Sponso tempus & hora vocat.
PSONCIA gens gaude: stirps ô STRADOMSCIA pectus
Lætitiā rumpas: namq; sit vna Domus.
Quę fuerant binę, vinctū venēre sub vnum;
Sanguis coniunctus nunc duo corda iugat.
Nunc duo corda simul sanguis, duo corpora iungit,
Gentibus ex geminis vna fit ergo domus.
Ergo leues choreas iuuat ordine ducere cunctos
Alternis vicibus, mente sequente chorum.
Quisq; canat. Viuat cum Sponso Sponsa nouella;
Viuat, sed valeat prole beare domos.

Viuat Nestoreos annos STRADOMSCIA proles,
Viuat (AMEN) totidem PSONCIA stirpsq; dies.

CHORVS.

Viuat Nestoreos annos STRADOMSCIA proles,
Viuat (AMEN) totidem PSONCIA stirpsq; dies.

HOSPITES.

Viuat Nestoreos annos STRADOMSCIA proles,
Viuat (AMEN) totidem PSONCIA stirpsq; dies.



Sponsi

Sponsi & Sponsæ,

CVM DIVIS SYNONIMIS COMPARATIO.

Nicolaus Diuus Catharinę proximus adstat
In cælo, factis id meruere suis.
Floruit vna fides ambobus, & vna Tonantis
Gloria: Sic summo complacere Deo.
In terris iam nunc eadem concordia surgit,
Nicolao propior stat Catharina suo.
Stat Catharina suo pulcherrima sponsa marito
Iam propior, sponsę statq; vir ipse suę.
Ambo florentes annis, & moribus ambo,
Ac veteris magno stirpis honore suę.
Sic propius numeri sunt, crede, nouemq; decęq;
Quiq; simul menses fontibus hisce fluunt.
Quam bene NICOLAVS venit, & CATARINA sub vnū
Connubium? Ambobus quam rubor ore sedet?
Viuite felices animę, atque virentia corda,
Vnus Amor vobis regnet, & vna Fides.
Posteritas vobis sic crescet pulchra per omnem
Vitam, Sic bene vos dicet ab ore DEVS.



B 2

Carmen

CARMEN AD HOSPITEM.
De lure Babinensium antiquissimo propter con-
uiuij hilaritatem.

Q EX HISTORIA STANISLAI SARNICKI.
Vid spectas oculis hospes? quæ carmina speras?
Non ego Centauros, non Satyrosq; canam.
Iura tibi dicam veteris memoranda BABINÆ:
Qui legis hæc, risum, si sapis, ore tene.
Extat Lublinum prope villa, BABINA vocatur,
In planis campis pinguis rum fouens.
Vox BABA, signat anum: sed dicitur inde BABINA
Res ad anum spectans, quam bene tractat anus.
Res bene tractat anus tales, hoc cernere possis
Intendens mentis lumen Sigenij.
Nobilis hic habitat cognomine PSONCA vetusto
Is retinet prisca iura sodalitij.
Aula nitet varijs tectis, quæ GIELDA vocatur
Sarmatice, Latia voce, tumultus erit.
Huc varij veniunt homines ex partibus orbis,
Et quod voce sua quisq; meretur, habet.
Tum quod more suo vult, accipit, inde statimq;
Hospes discedit letus honore nouo.
Hic nil ridiculum nisi grato lumine cernas:
Ruricolæ tales, qualis & hospes adest.
Priscorum ostentant hic ficta diplomata REGVM
CÆSARIS inuicti, Pontificisq; pij:
Queis datur eximijs PSONCIS bene plena facultas
Quosq; Magistratus, officiumq; dare.

Officia

Officia ho spiritibus dare, sicut quisq; meretur;
Qualia sunt Regnis, Regibus atq; suis.
Cum veniunt varij varijs ex partibus orbis
Herodes, PSONCAS visere sponte solent.
Vixq; suis postquam pedibus tetigere micantem
GIELDAM; en portantur fercula multa statim:
Pocula dehn vario iucunda sapore feruntur,
Hospes sit felix, quilibet ore cupit.
Si nouus est, magnum cratera haurire tenetur,
Ut miser ad leges aptior esse queat.
Ex oculis manant lacrymæ, sparguntq; bibentis
Pectus, barbam, humeros, osq; genasq; viri.
Tunc senior labijs perblandis PSONCA profatur.
Salue hospes: Vilkum lex tibi nostrum dedit.
Suscipias animo grato, nominq; NOVACI
Obtineas: merito plus tibi iura dabunt;
Vos alij Proceres, quos Iuppiter ipse benignus
Huc vexit, mentes ex hilaritate bonas.
Hinc procul abscedat mæror, sit lingua disertæ:
Sicut enim verum dicere quisq; volet:
Sic etiam officium feret: amplo ornatus honore
In sua nã poterit tecta redire pede.
Dixit. At Herodes gaudentes, ordine cuncti
Verba ferunt. Alij verba iocosa nimis:
At alij grauitè de magnis verba loquuntur.
Ut mos cuiq; suus, vox quoq; talis erat.
De Castris, bellusq;, prior narrauit ab ore:
Talia qui dicis, Dux eris, Hospes ait.

B 3

Assurgunt

*Assurgunt omnes, Magno et venerantur honore,
Proq; salute DVcis pocula quisq; bibunt.
Alter Iustitiæ leges laudavit honestæ:*

*Tu IVDex Terræ, PSONCA profatur, eris.
Acclamant omnes: sit IVDex, omine fausto:*

*Hauriat; ut causas iudicet absq; morâ.
Tertius in medium profert, quo publica pacto*

*Res bene vertatur. PSONCA sed ore refert.
Iste Palatinus Magnus decorabit auitum
Regnum, consilijs utilis ipse suis.*

*Omnes vnâni delectum voce salutant
Plaudentes manibus, fausta precantur, ouant.*

*Quartus ait: Patriam tutandam à finibus, hostes
Contm: hîc robustâ sunt fabricanda manu
Mœnia, turrigeræq; arces. Sermonis hic Autor
Sit CASTELLANVS; nobilis bospes ait.*

*Hic de relligione inquit, temploq; sacro:
Hospes eum donat Præsulis Officio.*

*Ille magis fidei pia dogmata tollit ad astra,
Mox ARCHIGNESNÆ Præsul honore datur.*

*Ist hæc deniq; res BABINENSIS publica, cunctas
Quæ Regnum decorant, donat honoris opes.*

*Quodq; dedit, firmat sacro diplomate Regum,
Ut quæ donantur mûnia, firma putes.*

*Canonicus, Consul bonus, hîc subitoq; creatur
Auratus miles, si grauiâ ore senat.*

*Hîc scribas videas, hîc Cancellaria surgit,
Hîc quoq; Marsalcus prodit honore potens.*

Officium

*Officium Regni nullum, Terræq; potestas
Nulla datur, quam non villa BABINA ferat:
Publica res potius, quâ non præstantior vsquam
Ante fuit, studijs condecomta bonis.*

*Hîc vnus contm: Syrij, Persæq;, Scythæq;,
Cecropidæ docti, Romulidæq; graues;*

*Tum gentes aliæ, sic credo, fuere priores,
Atq; ita pollebant nobilitate magis.*

*Annibales, & Alexandri, Pyrrbiq; potentes,
Alcidæ fuerunt nobiliore loco.*

*Responsum datur. Hi fuerant de corpore nostro,
Si nescis, cunctis (disce) BABINA prior.*

*Nostra BABINA prior longè Respublica cunctis,
Hæc Magnos genuit semper in orbe viros.*

*Quid taceam reliquos, qui verba iocosa locuti?
Conuenit berclè puto commemorare iocos.*

*Dum comedunt alij; residens hoc ordine quidam
Infit, quod refemur corde fouete bono.*

*Sumite nunc leporem socij, cibus iste probatur:
Qui leporem comedit, pulcher in ore rubet.*

*Quin etiam syluis venabula stringere nouit,
Ursos, cum ceruis, atq; ferire lupos:*

*Nam lepus est animal generosum corde valenti;
Hinc generosa facit pectora cuiq; viro.*

*Ante dies paucos vidi, cum dente leonem
Prostrauit valido, vicit & ore lepus.*

*Insuper et quidam leporem, quia sumpsit ad ignem
Iustum, iactauit se fore Magnanimum.*

B 4

Nec

Nec vox vana fuit: Nam denos cuspide ceruos,
Sex vrsos, totidem fixit & ille lupos:
Fexit, at vno ictu: Rex admirabilis ista.
Dum voces capiunt, conticuere viri.
Hospes at: Hic sanè venator Regius esto:
Audax fraude sciet coedere namq; feras.
Inclamant alij, crescat venator, onustus
Sæpe feris: Regi complacéatq; suo.
Hic alius; Multis, ego vidi lumine quondam,
Ex ciceris granis retia facta viris:
His anates noctu capiebant, quando relictis
Stagnis, ad pastum currere sæpe solent.
Sed miseritimuere lupos, qui nocte vagantur,
Vocibus amissis, heu rediére domum.
Portabant equidem pictis sine voce volucres:
At toto trepidi corde fuere viri.
Dum quidam volucres caperet super ardua montis
(Idem inquit) cernens antè volare grues,
Profilit, atq; grauium duo cæpit colla volantium,
Quem volucres pennis sustinuere suis.
Ergo miser raptus trans æquora lata volauit:
Pigmæis fors iam bella timenda mouet.
Cuncti ridentes: placet, aiunt: Iste Vir esto
Auceps Regalis, stringere nouit aues.
Stringere nouit aues, artes & fingere doctas,
Tale quis aspexit lumine rete suo?
Quis volucres propter potuit de monte volare?
Quem pennis hominum sustinuere grues?

Vera

Vera quidem Socij fidi narraſtis; at illud
Verius, his oculis cernere mi licuit.
EST NEPOLOMECIÆ stagnum latum, atq; profundum,
Quod circum viridans surgit vtrinq; nemus.
Hic lupus vndifluus succreuit corpore vasto,
Vt vitulum totum gluberet ore suo.
Deinde boues magnos cum cornibus ipse vorabat,
Et piscatorum corpora multa simul.
Deniq; cum cymbâ quendam deglubit hiulco
Rictu, vim tantam non superante viro.
Sæpe viri multi desunt, vituliq; , bouesq; :
Quæ sit causa mali, nescia turba fuit.
Accidit, vt stagnum fluctus creuisset in altos,
Postq; dies paucos, rursus abisset aqua.
En lupus hic quercus manet inter mole stupendâ:
Nam multis maior quercubus hercle fuit.
Ruricolæ veniunt, scinduntq; securibus illum
Duris. Res mira est: nauita subtus erat;
Atq; trahens vitampisces capiebat in vdo
Ventre, boues etiam gramina dente suo
Carpebant, vituliq; simul. Mirabile dictu.
Audistis? quidam dixit ab ore suo.
Quod nobis munus donabunt iura BABINÆ?
Vox tua, quod meruit, protulit hospes, babe.
Te nos vnanimis dicemus ab ore Poëtam.
Quis melius dixit? Talia quisue dedit?
Sunt Onitores, sunt Historiciq; BABINÆ;
Tu quoq; sis, felix ore Poëta sacro.

Hic Ko-

Hic KOCHANOVIVS doctus, REIVSq; facer
 Est vates calamo, TRICESIVSq; sacer.
 Hic quoq; KMITA locum retinet, qui carmine felix,
 Magnum Sarmatico nomen ad astra rebit.
 Hic Vir magnus adest, gnarus depellere morbos,
 Pulvere nunc vario, nunc oleis, et aquis.
 Hunc docuit varias artes evolvere Pallas,
 Et facili gnatos fingere mente iocos.
 Hunc multi norunt, idem quoq; plurima novit,
 Magnus iudicio, magnus ingenio.
 Prisca sibi applaudunt antiquæ Iura BABINÆ
 Hic est, hic Medicus, estq; Poëta bonus.
 His dictis, clamant omnes: sit nostra BABINA
 Florens, æternos perpetuëq; dies.
 Ordine quisq; bibat cupiens bona cuncta BABINÆ
 Cum socijs, gremio quos fouet illa suo.
 Talia dum fiunt facundo rure BABINÆ,
 Publica cum dantur munia iure suo.
 Res tandem placidas Regis peruenit ad aurea
 Augusti. Quis Rex publica iura tenet?
 Ridens ille rogat. Respondit at vnus: Id absit
 Anobis. Tu Rex, solus es hic, et ibi.
 Has voces risit placido Rex ore benignus,
 Cognouitq; virum, sed sine felle, iocos.
 Absq; dolo mendaciorum cognouit amaro,
 Inq; leues soluit Regia corda sales.
 Talis semper erit Respublica crede BABINÆ,
 Tales, tamq; graues protulit illa viros.

Sed

Sed de iure satis. Sponsi celebremus honorem;
 Et sponsam placeat condecorare nouam.
 Viuant felices ambo, sed prole beati,
 Quos tu condecora iure BABINA tuo.
 Ducite nunc socij choreas, hic quotquot adestis,
 Hunc læti vultu concelebrate diem.
 Viuat Sponsus IO. Viuat quoq; Sponsa nouella,
 Ambo per vitam pectora læta ferant.
 NICOLAUS SPONSUS claræ de stirpe STRADOMSKI
 Viuat: mox stirpem tollat in astra suam:
 Viuat Sponsa simul PSONCORVM stirpe profecta,
 Digna suâ felix est CATHARINA Domo.
 Nox ruit interea, dum carmina fundimus ore:
 Expedi, ut teneat carmina nostra quies.

Ad Nobilem Dominum NICOLAVM CHARMESKI.

Sponsi NICOLAUS CHARMESKI fidus amicus
 Est, ingens mentis gloria, lausq; mea.
 Simplicitas animo est eius, pudor ore coruscus,
 Verax ingenium, nescia mensq; doli.
 Ille colit iustum, laudem iuvat ille Tonantis,
 Et Patriam gentis dirigit ille domum.
 O utinam redeas pro multis fortiter ausis
 Ad nos Charmeski lætus honore nouo.
 Sponte Babina viro digno da munus, et ipsum
 Tolle, pedem referat laudis honore nouæ.

222

*Quæ maiora meo fuerint solatia cordi?
Dat meritis iustum iure Babina decus.*

Interpretatio iuris.

*Omnis homo mendax: cantat sacra pagina verum:
Hoc fundamento ius Babinense viget.
Publica res etiam stat. Quæis mendacia terris
Haud surgunt? Quiuis dicere vera timeat.
Blandus adulator spe lucri, vertit et aures
Et sensus Domini: Regnat ubiq; dolus.
Ergo gerunt omnes nunc munia publica fictè:
Sic Babina cunctos iura tenere putes.*



Phil.

